

تبریزین شهرداری موزه‌سینده «آذربایجانین طنز آتاسی» تالاری آچیلدی

آذربایجان مطبوعات و طنز آتاسی‌نین وفاتی‌نین ایل دؤنومو عرفه‌سینده، اوستاد حمید آرش آزاد تالاری تبریزین شهر و شهردارلیق موزه‌سینده آچیلدی.

مهرین گوزاریشینه گؤره، روزنامه‌چی، موترجم، طنز یازان، ناغیل یازان و هونرمند رحمتلیق اوستاد آرش آزادین یادىگارلاری خانیواده‌سی طرفیندن تبریزین شهر و شهردارلیق موزه‌سینه اهدا اولوب کی همشهریلر و تبریز و آذربایجان هونر و تاریخینی سنولترین گؤروش معرضینده اولسون. بو تالاردا اوستادین مجموعه اثرلری (چاپ اولان و ترجمه اولان کیتابلار)، تقدیرنامه‌لری، ال یازیلاری و او مرحومون قدیمی عکسلری نومایشه قویلوب. رحمتلیق اوستاد حمید آرش آزاد 1327-جی ایلین دی ایلین 4-ده تبریز کوچه‌باغ دربندین کوره‌باش محله‌سینده دونیاپه گلمیشدی. او حیدک اولاراق روزنامه‌چیلیگی 1369-جو ایلیندن فروغ آذربایجان روزنامه‌سیندن -کی سونرالار ادى مهدآزادی‌په چئوریلدی- باشلادی و هائله آیری روزنامه‌لرله همکارلیقدان سونرا 1379-جو ایلیندن رحمته گنده‌نه قدر (1389) امین روزنامه‌سی‌این همکارلیق ائله‌دی. اوستاد حمید آرش آزاد هابئله 1374-جو ایلیندن «گل آقا» مؤسیسه‌سی‌این همکارلیغا باشلادی و اؤز طنز اثرلرینی شعر و نثر صورتده «گل آقا» هفته‌لیگی و «اوشاقلار .

. گل آقا» آیلغیندا چاپ ائندیردی. او گل آقادا «پیوسته همکارلار» بن بیریدی کی داییمی و حیدکی همکارلیغی واریدی. و اثرلری بو آدلارینا چاپ اولوردو: «گول اوغلان»، «قیزلباش»، «طوطی بالاسی»، «بیگلر بیگی»، «تبریزی وروجک»، «کوله لئیلک»، «خان‌دایی»، «کوره‌باشی اوشاغی»، «آراز» و... او بیرینجی یازیچی‌ایدی کی «گل آقا»-دا تورکی دیلینده طنز شعر یازدی. اوستاد حمید آرش آزاد اعتماد ملی روزنامه‌سیله‌ده همکارلیغی واریدی. اوستاد آرش آزادان ایندیقه‌قدر بو ترجمه کیتابلار چاپ اولوب: «نورپاق دلیسی» طالب آب آیدینین اثری، «باغی» یاشار کمالین اثری، «قانلی دره قوردلاری» دورسون چاملیجانین اثری، و «آلفا سیّاره‌سی‌نین موسافیرلری» امیل پتایانین اثری و اونلاردان علاوه میرزه علی اکبر صابیرین «هوپ هوپ نامه»-سینی کرئیل الیفباسیندان

کؤچوروب چاپا یئتیریب. اوستادین تورکی و فارسی شعرلریندن «جیزغیندان چیخما بالا» و «جولو- جولویه قالمادی» کیتابلارینا ایشاره ائتمک اولار. ایندی‌ده اونلارچا طنز ناغیل و ایکی میندن چوخ قطعه سیاسی-اجتماعی طنز شعر چاپ اینتیظاریندادیر. اوستادین سون کیتابی "اوخو ات یابین گیزلت!" ادى‌این 1390-دا چاپ اولدو. او اؤز عصری‌نین ادلیم و مطرح یازیچیلار و شاعیرلری ایله ایرتیباطی واردکی کی او جمله‌دن بونلاری آد آپارماق اولار: رحمتلیق اوستاد یحیی شیدا ، رحمتلیق کیومرث

صابری ، رحمتلیق عمران صلاحی ، ابراهیم افشار و آریلاری. 1377-جی ایلینده شرقی آذربایجان فستیوالیندا و بیر دفعه‌ده 1384-جو ایلده زنجان فستیوالیندا زنجان، اردبیل، شرقی و غربی آذربایجان اوستانلاری‌نین طنزچیلر ایچینده بیرینجی مقامی اله گتیرمیشدی. و نچه سراسری طنز، شعر، مقاله و جدول ریشته‌لرینده بوخاری مقاملار گتیرمیشدی. هابئله 1389-جو ایلین تیرینده اؤلگه‌نین شیمال غرب مطبوعات و خبرگوزاریلر فستیوالیندا، اوستاد حمید آرش آزاد بو فستیوالین باش مقاله ریشته‌سی‌نین بیرینجی روتبه‌سین اله گتیرماق ضمیمینده، ایللر بویو روزنامه‌چیلیق بولوندا چکدیگی زحمتلره گؤره بیر آغ‌ساقال و تجرویه‌لی کیمی تجلیل اولدو. او رحمتلیق نهابنده 35 ایل هونر و فرهنگ زمینه‌سینده چالشماق‌دان سونرا 1389-جو ایلین مۆردادین ایرمی اوچونده ناخوشلوق اثرینده دونیاپا گؤز یومدو.